

Hai Aenban Son Dinfwngz Cienz Feihyiz

办培训 授技艺 扬非遗

(Bonjbauq siusik Vangz Yin/黄云) 5 nyied 28 hauh, ngux nyied co'ngux, ngoenz yiz-canj vwnzva caeuq swhyenz yaek daengz, Fulenz laeng Yungzsuij Myauzcuz Swciyen hai ban sonhag gij dinfwngz siuqva Myauzcuz. Gyoengq dai-byauj mehmbwk gak hangz gak nieb, gij daiyauj lwghag gungh hajcib lai boux camgya hozdung, caez daejniemh yienghndeiz siuq-va Myauzcuz. Yienhciengz miz

guhyiengh baenzlawz siuqva, siuq daehhom ngux nyied co'ngux daengj, gyoengqvunz ndaej hag baenzlawz cauhoq, guh ndaej engq ndei. Hozdung neix lij doidoengh henhoh caeuq ciepcienz siuqva Myauzcuz, dazyinx vunzlai engq nyinhdoengz vwnzva minzcuz swheij, gyonjcomz cingsaenz ligliengh, cukmaenh gij eiqsik caezcaemh Cunghvaz Minzcuz.

► Geij mehmbwk nyinhcaen hag siuqva Myauzcuz.



Lungzswng: Soengq "Faengx Raeujsim" Daengz Ranz

龙胜：“暖心粽”送上门

5 nyied 29 hauh, vunzlai Yauzcuz laeng Lungzswng Gak Cuz Swciyen Mbanjgensinh soengq faengxaeuyiengz hawj bouxvujbauj. Ngux nyied co-ngux yaek daengz, vunzmbanj gag doxcomz suek haeuxfaengx, caiq soengq faengx hawj bouxhoj, caemhcai soengq bae le gvansim caeuq hohfuk, hawj vunzlai sim engq doxdep, coicaenh gyoengqvunz seiq henzgyawj huzndei.

(Veiz Gizyangz/韦吉阳 Cinz Cinh/秦榛)

◀ Gyoengqvunz soengq faengxaeuyiengz hawj bouxhoj.

Sim Lwgnyez Coh Dangj Coux Ciet Lwgnyez

童心向党迎六一

Aen Cunghsinh Saedguh Vwnzmingz Seizdaih Moq laeng Lozcwngz Mulaujcuz Swciyen yaek youq gwnzmuengx guh aen vwnzyi biujyienj hozdung “angqcoux Ngeihcib Daih Aendangj • sim lwgnyez caez coh aendangj” bae hoh ciet lwgnyez. 5 nyied 28 hauh, youq Aen Heiqyienh Mulaujcuz laeng Lozcwngz, gyoengq lauxsae lwghag cingq roengzrengz caijbaiz cezmuuz, yaek langhbaiz gij cingsaenz gaenxmaenx baenaj gyoengqde. Lozcwngz aeu neix dazyinx lwghag giendingh mbouj bienq riengz aendangj byaij, angqcoux Ngeihcib Daih Aendangj.

(Mungz Cwnghsw/蒙增师)



▲ Lwghag Lozcwngz Mulaujcuz Swciyen cingq caijbaiz cezmuuz.



▲ Boux rox faplwd, bouxguhlaux Majdouz Cin Mbanjroekhoh dingq lwnhgangj.

Haeuj Mbanj Lwnhgangj Minzfazdenj

民法典讲座送下乡

5 nyied dwg “ndwen guh hozdung lwnhgangj Minzfazdenj”, Vujmingz Gih Swhfaz Giz cujsiz doengh bouxguhcingz gak mbanj (segi) guh le 200 lai baez gyangjco lwnhgangj Minzfazdenj hawj boux rox faplwd, bouxguhlaux mbanj (segi) de. Hozdung neix son boux rox faplwd, bouxguhlaux gak mbanj (segi) engq rox aeu faplwd hoh ndei leih'ik vunzlai, yienq cengnauh. Aen gih neix yaek laebdaeb lwnhgangj fapceih, guh ndaej faplwd baujang, doidoengh aen gih neix hwngfat ndaej youh vaiq youh ndei.

(Cinz Yicih/覃玉枝)